

Paulo fe agbalẽ si wòṅlò na Galatiatowo

¹ Nye Paulo, apostolo si ame aḍeke meḍo o, eye menye ame aḍeke hã dzi meto o, ke boṅ to Yesu Kristo kple Mawu, Fofò si fò Kristo ḍe tsitre tso ame kukuwo dome la gbœ agbalẽ sia tso. ² Nɔvi Kristotò, siwo le aḍi sia kplim la le gbe dom na mi.

Na hame siwo le Galatia nutowo me:

³ Amenuveve kple ṅutifafa si tso Mawu, mía Fofò la kple Afetò Yesu Kristo, ⁴ ame si ku ḍe míaḍe nu vòwo ta abe ale si Mawu, mía Fofò la ḍoe ene, eye wòḍe mí tso nu vò fe xexe vòḍi sia me le Mawu, mía Fofò fe lolònu nu. ⁵ Eya tœ nye bubu tso mavo me yi ḍe mavo me. Amen.

Nyanyui bubu aḍeke megali o

⁶ Ewo nuku nam ṅuto be miele mia ḍokuiwo hem ḍa kaba alea tso Mawu, ame si yo mi be miakpo gome le agbe mavo si wòna to Kristo fe amenuveve me la gbò. Miedze nyanyui bubu aḍe yome, ⁷ evò la, nyanyui bubu aḍeke megali wu esi míaḍia mi o. Ame siwo dzea ṅe Kristo fe nyatefe la, eye wotrɔne la le mia flum.

⁸ Nenyeye míawo alo mawudola aḍe tso dzifo gò hã va gbò nyanyui bubu aḍe si to vovo tso esi míegblo na mi gbò la, Mawu fe fifode neva amea

dzi. ⁹ Abe ale si míegbløe va yi ene la, megale egblòm be: ne ame ađe gblo nyanyui bubu ađe wu esi miexo la, Mawu fe fifode neva ame ma dzi.

¹⁰ Nyemele agbagba dzem be madze amegbetowo ñu o, ke boŋ be madze Mawu ñu. Nyemele agbagba dzem be madze amewo ñu o. Nenyede mele agbagba dzem be madze amewo ñu la, ne nyemenye Kristo fe dola o.

Mawu yɔ Paulo

¹¹ Nɔvi lolɔtowo, medi be mana mianya be nyanyui si gblòm mele la menye nya si tso ame ađeke gbɔ o. ¹² Nyemexøe tso ame ađeke gbɔ o, alo menye ame ađekee fiam o, ke boŋ mexøe to dedefia me tso Yesu Kristo gbɔ.

¹³ Miese nu tso ale si menɔ agbee va yi ñu esi menɔ Yudatowo fe subɔsubɔ yome; ale si meti Mawu fe hame la yome nublanuimakpɔmakpɔtøe, hedze agbagba be matsrɔ wo. ¹⁴ Mekpɔ ñgoyiyi geđe le Yudatowo fe subɔsubɔ me wu hanyeti geđewo, eye mevã ñu vevie le mía tɔgbuiwo fe konyinyiwo ñu.

¹⁵ Gake esi wòdze Mawu, si tiam tso danye fe do me ke ñu, eye wòto efe amenuveve me yom, ¹⁶ eye wòde eya ñuto Via fiam be magblo efe nya na ame siwo menye Yudatowo o la, nyemegblo be maxo ađanɔ tso amegbetɔ ađeke gbɔ o. ¹⁷ Nyemeyi Yerusalem be matsɔ nya la ađo ame siwo nye apostolowo do ñgɔ nam la ñkume o, ke boŋ meyi Arabia. Emegbe la, metro yi Damasko. ¹⁸ Le fe etɔ megbe la, meyi Yerusalem be madze si Kefa, eye menɔ egbo ñkeke wuiatɔ.

19 Nyemekpɔ apostoloawo dometɔ aɖeke o, negbe Yakobo, Afeto la nɔvi ko. 20 Mele kakadɛdzi nam mi le Mawu ŋkume be nya si ŋlɔm mele na mi la menye avatso o. 21 Le esia megbe la, meyi Siria kple Kilikia. 22 Hame siwo le Yudea le Kristo me la medze sim o. 23 Nu si wonya koe nye nya si amewo nɔ gbɔgbɔlɔm be, “Ame si nɔ mía yome tim tsã la le gbefã dem xɔse si wòdze agbagba be yeatsrɔ la fifia.” 24 Eye wokafu Mawu ɖe tanye.

2

Apostoloawo xɔ Paulo

1 Le fe wuiene megbe la, megayi Yerusalem. Azɔ la, mekpɔ Barnabas kple Tito ɖe asi. 2 Meyi le nu si Mawu ɖe fiam la nu, be mayi aɖawɔ takpekpe kple ame siwo wobuna abe kplɔlawo ene le afi ma. Megblɔ nyanyui si megbɔna na ame siwo menye Yudatowo o la na wo. Medi be makpɔ kakadɛdzi be nyemele du fum, eye nye dufufu nye dzodzro o. 3 Togbɔ be Tito, ame si le ŋunye nye Helatɔ hã la, womezi edzi be wòatso ava o. 4 Kuxi sia do mo ɖa, elabena avatsoxɔsetɔ aɖewo va ge ɖe mía dome, be yewoalé ŋku ɖe ablɔɖe, si su mía si le Kristo Yesu me la ŋu, ne yewoawɔ mí kluviwoe. 5 Míedɔ to wo kura o, kple susu be míalé nyanyui la fe nyatefenyenye me ɖe asi na mi.

6 Ke ame siwo ŋu wodea bubui la, ame ka ke wonye hã la, nyemetsɔ ɖeke le eme o; Mawu mekpɔa ame ŋkume o, ame siwo buna bena wonye nane la, womegbɔ nya aɖeke fiam o. 7 Ke

boŋ wode dzesii be wotso nyanyui la gbogblo de asi nam be magblo na avamatsomatsotowo abe ale si wodee asi na Petro be wòagblo na avatsotsotowo la ene. ⁸ Elabena Mawu, ame si li kple Petro le efe dɔwɔwɔ me abe apostolo na avatsotsotowo ene la, eya kee li kple nye hã le nye dɔwɔwɔ me abe apostolo na ame siwo menye Yudatowo o la ene. ⁹ Yakobo, Kefa kple Yohanes, ame siwo amewo buna be wonye sotiwo na hamea la, woxo nye kple Barnabas de hamea me esi wode dzesi amenuveve si wonam la. Wolɔ de edzi be míawo míayi ame siwo menye Yudatowo o la gbo, eye woawo nayi avatsotsotowo gbo. ¹⁰ Nya si wogblo koe nye be míano ŋku dɔm ame dahewo dzi, nu si medina be mawo xe sia xi.

Paulo tsi tsitre de Petro nu

¹¹ Ke esi Kefa va Antioxia la, metsi tsitre de enu, elabena wotso enu. ¹² Elabena hafi ŋutsu adewo natso Yakobo gbo ava la, enca nu dɔm kple ame siwo menye Yudatowo o la. Gake esi wova do la, ehe de megbe, eye wode edokui de aga tso ame siwo menye Yudatowo o la nu, elabena eno vovɔm na ame siwo nye avatsotsotowo. ¹³ Yudato bubuawo hã dze efe alakpanuwɔwɔ yome, eye woƷe alakpanuwɔwɔ na be Barnabas gɔ hã tra mo.

¹⁴ Esi mede dzesii be woƷe agbenɔnɔ meso de nyanyui la fe nyatefe la nu o la, meka mo na Kefa le wo katã fe ŋkume be, “Yudato nɛnye, gake èle agbe nɔm abe ame si menye Yudatowo o la ene.

Nu ka ta nèzi ame siwo menye Yudatowo o la dzi be woawo de Yudatowo fe sewo dzi do?

¹⁵ “Ke mí ame siwo nye Yudatowo tso dzodzome eye míenye nu v̄ wɔlawo abe ame siwo menye Yudatowo ene o la, ¹⁶ míenyae be wometsoa afia na ame to se la fe dɔwɔwɔwo me o, ke bon to Yesu Kristo dzixose me. Eya ta míawo hã míexo Yesu Kristo dzi se be woatso afia na mí to xose me le Kristo me, eye menye to se la fe dɔwɔwɔwo me o, elabena wometsoa afia na ame aɔeke to se la fe dɔwɔwɔwo me o.

¹⁷ “Gake ne míedi be woatso afia na mí le Kristo me eye mí Yudatowo hã míele nu v̄ wɔlawo dome de, de mefia be Kristo le nu v̄ dzi dem o mahã? Gbede! ¹⁸ Ne megbugbo nu siwo meglẽ la dɔdɔla, ekema mezu sedzidala.

¹⁹ “Elabena to se la me la, meku na se la, be manɔ agbe na Mawu. ²⁰ Woklã nye kple Kristo de ati nu, eye meganye nyee le agbe o, ke bon Kristoe le agbe le menye. Agbe si mele fifia le nutilã me la, mele agbe la to Mawu fe Vi la dzixose me, ame si lɔm, eye wòtso efe agbe na de tanye. ²¹ Nyemegbe nu le Mawu fe amenuveve la gbo o, elabena ne miakpo dzodzɔenyenyeye to se la me la, ekema Kristo ku dzodzro!”

3

Xose alo se la?

¹ O, mi Galatiato bometsilawo! Ame kae flu mi? Miawo nutɔwoe wogblo Yesu Kristo fe kaklã de atitsoga n̄uti fe nya na. ² Medi be mabia nya aɔe mi: De miexo Gbogbo la to se la fe dɔwɔwɔwo me, alo to nya si miese la dzixose

mea? ³ De mietsi bome nenema gbegebea? Esi mietsɔ Gbɔgbɔ la dze egɔmee la, azo ɔe miendi be yewoatsɔ ɲutilã awu enua? ⁴ De miekpe fu siawo dzodzroa, nenye dzodzroe hã? ⁵ Eya ta megale biabiam be ɔe Mawu tso efe Gbɔgbɔ la na mi, eye wòwɔ nukunuwo le mia dome to se la fe dɔwɔwɔwo me, alo to nya si miese la dzixɔse mea? ⁶ Nenema ke Abraham hã xɔ Mawu dzi se, eye wobui dzɔdzɔenyenye nɛ.

⁷ Eya ta mise egɔme be ame siwo si xɔse le la, woawoe nye Abraham fe viwo. ⁸ Nɔɲlɔ Kɔkɔe la kpɔe do ɲgɔ be Mawu atso afia na ame siwo menye Yudatowo o la le xɔse me, eya ta wòɔe gbefã nyanyui la na Abraham do ɲgɔe be, “Woayra dukowo katã to dziwò.” ⁹ Eya ta ame siwo katã si xɔse le la, woyra woawo hã abe Abraham, ame si xɔ Mawu dzi se la ene.

¹⁰ Elabena ame siwo katã tso wofe mɔkpɔkpɔ da ɔe se la fe dɔwɔwɔwo dzi la, wole fifode te, elabena wonlɔ ɔi be, “Woafɔ fi ade ame sia ame si menɔ agbe ɔe nu sia nu si wonlɔ ɔe Segbalẽ la me la nu o.” ¹¹ Eme kɔ fãa be Mawu matso afia na ame aɔeke to se la dzi wɔwɔ me o, elabena wonlɔ ɔi be, “Ame dzɔdzɔe la anɔ agbe to xɔse me.” ¹² Wometu se la ɔe xɔse dzi o, ke bon mawunya gbɔ be, “Ame si wɔ nu siawo la, anɔ agbe ɔe wo nu.” ¹³ Kristo ɔe mí tso se la fe fifode me, esi wòzu fifode ɔe mía tefe elabena mawunya gbɔ be, “Wofɔ fi de ame sia ame si woklã ɔe ati ɲuti la.” ¹⁴ Eɔe mí bena Abraham fe yayra nava ame siwo menye Yudatowo o la dzi to Kristo Yesu me, ale be to xɔse me la, míaxɔ Gbɔgbɔ la fe ɲugbedodo.

¹⁵ Nɔviwo, mana kpɔɔɛnu aɔe mi tso gbe sia gbe-gbenɔɔ me. Abe ale si ame aɔeke mate nu atu alo atso naneke akpe ɔe nubabla si amegbetowo wo nu o ene la, nenema wòle le go sia me hã. ¹⁶ Njugbedodo la nye Abraham kple efe dzidzimeviwo to. Nɔɔlo Kɔkɔe la megblo be “na dzidzimeviwo o” si gomee nye ame geɔewo, ke boɔ “na wò dzidzimeviwo” si gomee nye ame ɔeka si nye Kristo. ¹⁷ Nu si gbɔm mele la gomee nye: Se si wowo le fe 430 megebe la, mete nu tu nubabla si Mawu wo do ɔgo la o, nenema ke metu njugbedodo la hã o. ¹⁸ Elabena ne domenyinyi la ku ɔe se la nu la, ekema megaku ɔe njugbedodo la nu o; ke Mawu to njugbedodo la me tsoe ke Abraham.

¹⁹ Nu ka ta koɔ wona se la ɔo? Wotsɔ se la kpe ɔe enu ɔe vodadawo ta va se ɔe esime dzidzime, si ɔuti njugbedodo la ku ɔo la nava. Wona se la to mawudɔlawo dzi, eye wotsɔe de asi na avulɛla. ²⁰ Ke avulɛla menye ame ɔeka o; gake Mawu la ya nye ɔeka.

²¹ Ekema ɔe se la tsi tsitre ɔe Mawu fe njugbedodowo ɔtia? Gbede! Elabena ne se si wona la ana agbe la, ekema dzɔdzɔenyenye ava to se la me. ²² Gake Nɔɔlo Kɔkɔe la gblo be xexea me katã le nu vɔ fe babla me, be njugbedodo si Mawu na to Yesu Kristo dzixɔse me la nasu ame siwo xɔe se la si.

Mawu fe viwo

²³ Hafi xɔse sia nava la, míenɔ babla me le se la te va se ɔe esime woɔe xɔse si le vava ge la ɔe go. ²⁴ Ale se la zu mía fe mɔfiala va se ɔe esime Kristo va be woatso afia na mí to xɔse me. ²⁵ Azɔ

esi xose sia va la, míegale se, si nye mofiala la te o.

²⁶ Elabena le Kristo Yesu me la, mi katã mienye Mawu fe viwo to xose me, ²⁷ elabena mi ame siwo wode mawutsi ta na ðe Kristo me la, miedo Kristo abe awu ene. ²⁸ Azò la, Yudato alo ame si menye Yudato o la megali o; kluvi alo ablodevi megali o; ñutsu alo nyonu megali o; elabena mi katã miele ðeka le Kristo Yesu me. ²⁹ Ne mienye Kristo to la, ekema mienye Abraham fe dzidzimeviwo kple domenyilawo le ñugbedodo la nu.

4

¹ Nya si gblom mele lae nye be zi ale si domenyila ađe nye ðevi ko la, vovototo ađeke mele eya kple kluvi dome o, evò eyae nye nuwo katã fe afeto hafi. ² Ele na ðevi la be wòawo nu si edzikpɔlawo ðo ne la va se ðe esime wòaxo fe si fofoa ðo da ði la.

Mawu xe fe ðe miafe ablode ta

³ Nenema ke esi míawo hã míenye ðeviwo la, míenò xexe sia me fe gɔmedzenuwo kple gbogbo siwo kpɔ ñusẽ ðe xexe sia me dzi la fe kluvinyenye te. ⁴ Ke esi xeyixi nyuito va ðo la, Mawu do Via si nyonu ađe dzi le se la te la ða ⁵ be wòaðe ame siwo le se la te la, be wòate ñu axo mí abe eya ñuto fe viwo ene. ⁶ Esi mienye viawo ta la, Mawu do Via fe Gbogbo ðe miafe dziwo me, eya ta azo la, miate ñu ayò Mawu dzidefotɔe be, “*Abba, Fofò.*” ⁷ Eya ta mɛganye kluvi azo o, ke boñ ènye Mawu ñuto fe vi; azo esi nènnye via ta la, Mawu wo wò efe domenyilae.

Paulo tso ɔe le eme na Galatia hamea

⁸ Tsã la, esi mienya Mawu o la, mienye kluvi na nu siwo menye mawuwo tso dzodzome o la.

⁹ Ke azo esi mienya Mawu alo magblo be Mawu boŋ nya mi la, nu ka ta miagadi be yewoagbugbo ayi subosubo gbodzɔ, dahe, dzodzrowo gbo ɔo? Ɖe miedi be yewoaganye kluvi na wo akea?

¹⁰ Miewona ɔe ŋkekewo kple ɣletiwo, azãgbewo kple fewo fe ɔoɔo toɣewo dzi. ¹¹ Mele vovom ɔe mia nu be agbagba siwo katã dzem mele ɔe mia ta la zu dzodzro mahĩ.

¹² Novi lolɔawo, mele kuku ɔem na mi be miwo nu abe nye ene, elabena nye hã mezu abe miawo ene. Miewo vɔ aɔeke ɔe ŋunye o. ¹³ Abe ale si mienyae ene la, menɔ ɔo lém esi metsɔ nyanyui la ve na mi zi gbãto. ¹⁴ Togbo be nye ɔoléle la nye nuɔiaɔia hã la, miegebe nu le gbonye alo do vlom o, ke boŋ miexom, eye miekpɔ dzinye abe mawudɔla aɔe menye alo Yesu Kristo ŋuto ene. ¹⁵ Azɔ afi ka miafe dzidzɔ fe kafukafu la le? Elabena mate ŋu agbloe be, ɔe miete ŋui la, ne mieho miafe ŋkuwo le to me hetsɔ nam. ¹⁶ Ke azo la, ɔe mezu miafe futɔ, elabena megblo nyatefe la na mia?

¹⁷ Avatsonufiala mawo le didim vevie be yewoadze mia ŋu, ke menye ɔe miafe nyonyo ta o. Nu si wole didim be yewoawo lae nye be yewoɔe mi ɔe aga tso gbonye, ale be miaɔo to yewo wu. ¹⁸ Enyo ne amewo ve mia nu kple tamedoɔo nyui ɔaa, ke menye le ɣeyiɣi si me mele mia gbo ko o. ¹⁹ Vinye lolɔawo, megale veve sem ɔe mia nu abe funɔ si le ku lém la ene va se ɔe esime Kristo fe gbogbo ayɔ mia me mlɔeba.

²⁰ Medi vevie be manɔ mia gbɔ fifia, ne nyemano nu siawo ɲlom na mi o hafi; ke esi mía dome didi ta la, maɔu eme be nyemenya nu si tututu mawɔ o.

Hagar kple Sara fe kpɔɖeɲu

²¹ Migblɔe nam, mi ame siwo di be yewoano se la te la, mienya nu si se la gblo oa?

²² Elabena wonlo ɖi be viɲutsu eve no Abraham si; ɖeka dada nye kosi, ke evelia dada ya nye ablɔɖenyɔnu. ²³ Abraham fe viɲutsu si dada nye kosi la, wodzii le ɲutilã la nu, ke viɲutsu si dada nye ablɔɖenyɔnu la, wodzii le ɲugbedodo la nu.

²⁴ Nu siawo nye lododo ko, elabena nyɔnu eveawo so kple nubabla eve. Nubabla ɖeka la, woxɔe le Sinai to dzi, eye eyae dzi ɖevi siwo nye kluviwo. Esia nye Hagar. ²⁵ Eya ta Hagar nye Sinai to si le Arabia, eye wòso kple egbegbe Yerusalem du, elabena eya kple viawo le kluvinyenye me. ²⁶ Ke Yerusalem si le dzifo la vo, menye kluvi o, eye eyae nye mía dada.

²⁷ Elabena wonlo ɖi bena,

“Dzi nedzo wò, O konɔ,
wò nyɔnu si medzi vi kpɔ o;
do ɣli sesie nàtso aseye,
wò ame si melé ku kpɔ o;
viwo le nyɔnu si tsi akogo la si wu nyɔnu
si si srɔ le la gɔ̃ hã.”

²⁸ Azɔ noviwo, abe Isak ene la, miawo la, mienye ɲugbedodo la fe viwo. ²⁹ Abe ale si viɲutsu, si wodzi le ɲutilã la nu ti viɲutsu, si wodzi tso Gbɔgbɔ Kɔkɔe la me yome va yi ene la, nenema tututu wògale fifia hã. ³⁰ Ke nu ka Nɔɲlo

Kòkòe la gblo? Egblò be, “Nya kosi la kple via, elabena kosi la fe vi mate ñu anyi Abraham fe dome kple ablòdenyònu la fe vi gbede o.” ³¹ Eya ta nòviwo, menye kosi la fe viwo míenye o, ke bon míenye ablòdenyònu la fe viwo.

5

Kristo wò mí ablòdeviwoe

¹ Ablòdemenòno ta Kristo wò mí ablòdeviwoe dọ. Eya ta minò tsitre sesie, eye migana kluvinyenye fe kòkuti nagaku kò na mi azò o.

² Mide dzesi nye nyawo! Nye Paulo, mele egblòm na mi be ne miede mò wotso ava na mi la, ekema vide ađeke manò Kristo ñu na mi o. ³ Megale egblòm ake na ame sia ame si lǒ wotso ava nɛ la be ele nɛ be wòawò dɛ se blibo la katã dzi. ⁴ Mi ame siwo le didim be woatso afia na yewo to se la dzi wòwò me la, woklã mi dą tso Kristo gbò; amenuveve la bu dɛ mi.

⁵ Elabena to Gbògbò Kòkòe la me la, míele mò kpòm vevie na dzòdzòenyenye la le xòse me.

⁶ Elabena le Kristo Yesu me la, avatsotso alo avamatsomatso mate ñu awò naneke o. Ke nu si míehiã la koe nye xòse si wòdà dò to lólǒ me.

⁷ Mienò du fum nyuie hafi. Ke ame kae va flu mi, eye wòxe mò na mi be miagadò to nyatefe la o? ⁸ Menye ame si yò mi lae fò nya sia dɛ mia nu o. ⁹ “Amò vavã sue ađe nana amò blibo la vãna.”

¹⁰ Mele mò kpòm le Afeto la me be miabu nu bubu ađeke ñuti o. Ame ka kee le fu dɛm na mi hele mia flum hã la, Mawu ñuto ahe to nɛ.

¹¹ Nɔviwo, ne megale gbefã dɛm avatsotso dɛ, nu ka ta wogale yonyeme tim dɔ? Ekema woɔdɛ atitsoga la fe nudjadia dɛ.

¹² Dɛko medi vevie be nufiala siwo di be miana woatso ava na mi la, woɔdɛ wo dɔkuiwo dɛ le mia dome, eye woɔdɛ dɛ le mia ɲu kpoo.

Agbenɔɔ le Gbɔgbɔ la me

¹³ Elabena nɔvinyewo, woyɔ mi, eye wona ablɔdɛ mi. Ke ablɔdɛ la magana mianɔ agbe le ɲutilã nu o; ke boɲ be miave mia nɔewo nu le dɔkuiɔɔɔ kple lolɔ me. ¹⁴ Elabena wowu se blibo la katã nu to se dɛka sia dzi wɔwɔ me, si nye, “Lɔ hawòvi abe dɔkuiwò ene.” ¹⁵ Ke ne miedɛ dɛklemi, eye miewɔ dzre kple mia nɔewo la, mikpɔ nyuie be miagagblẽ nu le mia nɔewo ɲu o.

¹⁶ Eya ta mele eglɔm be minɔ agbe le Gbɔgbɔ la me, ale be miagawɔ dɛ ɲutilã fe nudzodzrowo dzi o.

¹⁷ Elabena ɲutilã la fe nudzodzrowo tsi tsitre dɛ Gbɔgbɔ la ɲu, eye Gbɔgbɔ la fe nudzodzrowo tsi tsitre dɛ ɲutilã la ɲu. Wole avu wɔm kple wo nɔewo, ale be miate ɲu awɔ nu si miedi be miawɔ la o. ¹⁸ Ke ne Gbɔgbɔ la le mia kplɔm la, miegale se la te o.

¹⁹ Ke ɲutilã fe nudzodzrowo dze fãa. Woawoe nye: matrewɔwɔ, makɔmakɔnyenye, hadzedze, ²⁰ trɔsubɔsubɔ, adzewɔwɔ, fuléle, dzrewɔwɔ, ɲubavã, dɔmedzoedodo, dɔkuitɔdidi, nu masomasɔ, mamawo, ²¹ ɲubiabiã, ahamumu, aglotutu vɔwo kple esia tɔgbiwo. Mele nu xlɔm mi, abe ale si mexlɔ nu mi va yi ene la be ame

siwo nɔa agbe alea la, manyi mawufiaɖufe la fe dome o.

²² Ke Gbɔgbɔ la fe kutsetsee nye lɔlɔ, dzidzo, ηutifafa, dzigbɔɖi, dɔmenyowɔwɔ, nyuiwɔwɔ, nutefewɔwɔ, ²³ tufafa kple ɖokuidzidudu. Se la metsi tsitre ɖe nu siawo ηuti o. ²⁴ Ame siwo nye Kristo Yesu tɔ la klã wofe ηutilã kple efe nudzodzro vɔwo ɖe ati ηuti. ²⁵ Esi míele agbe le Gbɔgbɔ la me la, mina míaazo hã le efe kpɔkplɔ te. ²⁶ Mígana dada nayo mía me o, mígado dziku na mía nɔewo o, eye mía nɔewo fe nu megave ɖo me na mí o.

6

Miwo nyui na amewo katã

¹ Nɔviwo, ne ame aɖe dze nu vɔ me la, mi ame siwo Gbɔgbɔ la kplɔna la, midɔ ame ma ɖo le dɔmefafa me. Ke midɔ ηu ɖo, be woagate miawo hã kpɔ o. ² Mitsɔ mia nɔewo fe agbawo, eye le esia wɔwɔ me la, miawu Kristo fe se la nu. ³ Ne ame aɖe bu be yenye nane, evɔ menye naneke o la, eble eɖokui.

⁴ Ame sia ame nado eya ηuto fe dɔwɔwɔwɔ kpɔ, ekema woate ηu afo adegbe le wo ɖokuiwo ɖeɖe ko me, ke menye be woatsɔ wo ɖokuiwo asɔ kple ame bubu aɖeke o, ⁵ elabena ame sia ame atsɔ eya ηuto fe agba.

⁶ Ame siwo wofia nui le nya la me la, nama wofe nu nyuiwo kple wofe nufiala. ⁷ Migable mia ɖokuiwo o. Mawu menana woɖua fewu le enuti o. Elabena nu si ame fãna la, eya ke wòɛna. ⁸ Ame si fã nu le ηutilã me la,

anẹ gbegblẽ tso ɲutilã me; ke ame si fã nu le Gbɔgbɔ la me la, anẹ agbe mavɔ tso Gbɔgbɔ la me. ⁹ Migana míagbɔdzɔ le nu nyui wɔwɔ me o, elabena ne míegbɔdzɔ o la, míanẹ nu le ɣeyiɣi nyuitɔ dzi. ¹⁰ Eya ta esi mɔnukpɔkpɔ le mía si la, mina míawɔ nyui na amewo katã, vevieto na nɔvi xɔsetowo.

Menye avatsotso o, ke boɲ nuwɔwɔ yeyee

¹¹ Mikpɔ ɲɔɲlodzesi gã siwo metsɔ nye ɲuto nye asi ɲlɔ ɔɔ ɔɔ mi la ɔa!

¹² Ame siwo le didim be yewoadze amewo ɲu le ɲutilã me la le agbagba dzem be yewoazi mia dzi woatso ava na mi, le susu ɔɔka sia ko ta be womagati yewo yome ɔɔ Kristo fe atitsoga la ta o. ¹³ Ame siwo wotso ava na gɔ hã la mewɔa se la dzi o, ke boɲ wole didim be woatso ava na mi, ale be woafɔ adegbe le miafe ɲutilã ɲu.

¹⁴ Nyemafo adegbe le naneke ɲu o, negbe le míafe Afetɔ Yesu Kristo fe atitsoga la ko ɲu. Eya me woto klã xexea me ɔɔ atitsoga ɲuti nam, eye woklã nye hã ɔɔ atitsoga ɲuti na xexea me. ¹⁵ Elabena le Kristo me la, avatsotso kple avamatsomatso menye naneke o, nu si le vevie lae nye be ame nazu nuwɔwɔ yeye.

¹⁶ Mawu fe ɲutifafa kple nublanuikpɔkpɔ nanaɔ anyi kple ame siwo katã wɔa se sia dzi, eye woanaɔ anyi kple Mawu fe Israel la hã.

¹⁷ Tso azo dzi la, ame aḍeke megaḍe fu nam le nu siawo ḡuti o, elabena Yesu fe abidzesiwo le nye ḡutilã ḡu.

¹⁸ Nḡviwo, mía fe Afeto Yesu Kristo fe amenuveve nano anyi kple mía fe gbogbo. Amen.

**Biblica® Se aḍeke mebla Biblia zazã o
Agbenya La™**

**Éwé: Biblica® Se aḍeke mebla Biblia zazã o Agbenya
La™ (Bible) of Ghana**

copyright © 2020 Biblica, Inc.

Language: eʋegbe

Contributor: Biblica, Inc.

Biblica® Open Ewe Contemporary Scriptures™

Copyright © 1988, 2006, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

All content on open.bible is made available under a Creative Commons Attribution-ShareAlike 4.0 License (<http://creativecommons.org/licenses/by-sa/4.0/>).

You are free to:

- Share — copy and redistribute the material in any medium or format
- Adapt — remix, transform, and build upon the material for any purpose, even commercially

Under the following conditions:

Attribution — You must attribute the work as follows: “Original work available for free at www.biblica.com and open.bible” Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original.

Use of trademarks: Biblica® is a trademark registered in the United States Patent and Trademark Office by Biblica, Inc. and may not be included on any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-11-15

PDF generated using Haiola and XeLaTeX on 21 Feb 2024 from source files dated 29 Jan 2022

357b3e5f-5b9b-5166-bad7-01aa010d5029